



四照堂詩集卷十四

湘潭譚溥仲牧

鄂中古近體詩一百零九首

中秋夜酬傅鐵椽

浩劫彌江漢人牛散鄂城月迴千里夢詩曠五年兵古
增沈秋影梅花冷笛聲相憐一杯酒何以慰蒼生

謝陸雨芹惠君山茶

家國舊屯兵名茶阻市程香餘 天子貢味似故人清
照影渾如夢思歸劇有情君山一螺在相對感瓶笙

孫芝房太史見示治書堂詩存

其詩為太史曾祖
念旃公祖岳遲公

四照堂詩

卷十四

鄂中

本生祖月三公尊甫邵
吾公並其弟仲嘉遺稿

文字光陸離與世當不朽孫君一家言九地明淵藪標
的存性真流傳日已久文章論成敗海岳詎能壽會當
萃靈魄弔影空搔首何處悲風來秋桐逼雲陡

次韻酬劉浩如見贈二首

楊朱非善哭天下多岐路亘古為名徒旦晚適所遇公
幹豈不達文章實有素寸心一何堅鬚眉不如故會當

至千里勅勅積躑步

時浩如
落解

首

踏天逐馳電躡履追層冰詩人縱奇膽可以傾長城造
物稟靈素積學承君平八門何多奇匪獨精策兵丈夫

重氣節武帳威光凌

時爲某將軍決其麻城之戰必敗遂忌之去於幕

次韻寄黎柏容

知人古所少文字慘無光
作客留西郢牽愁去武昌
燈如殘夢短天比寸心長
我亦傷離者并州是故鄉

時以事去鄂

如冠九觀察屬畫山水並贈

人生百無憂達者貴適意形骸一以鬱
寸心將弗逮寄

興及繪事輸君故有致吮墨恣吐吞
取趣併一至神奇

在一心造物莫敢忌惆悵襄平山嵐光黯秋翠

時間湜園被擾

蒲圻道中贈陳蘭池

鐵嶺羊樓戰血存客途花事慘春魂
關山盤馬無餘地

四照堂詩集

卷十四

鄂中

二

風雪聽猿有淚痕罵鬼願傾方朔膽
殺人誰恕子文恩
武清計日擎舟去改服從容挽世屯

宿港口驛題壁次韻二首

大漠無閒地悠悠百竅喧那知港口水
故觸客愁翻駟
僧豈陋命萊傭能市恩禪燈坐清影
我自悟空門

遙夜定心寂塵勞無一喧僧雛說詩
偈舌本聞瀾翻夢
逐荒天影春迴老樹恩明當快吟事
風月近湘門

抵長沙

極天湘樹晚盤鴉驛路停驂落照斜
舊侶逐雲秋散影
奇愁隨月夜當花吟邊夢有理香地
世外天無息怨涯

作底賈生招忌日，寃風吹入古長沙。

瑞庭兄芷生炳生弟來晤

患難誰相顧，衰年弟與兄。
新愁黯孤月，奇夢奪殘檠。
伏道狼無影，吹沙蜮有聲。
忘憂問萱草，珍重北堂情。

感懷

蠻雲寂寂鑲窮廬，老去連株阻畏途。
飢鼠坐窺鄉夢短，秋燐寒逼瓦燈孤。
天無成見何論命，生有剛腸不悔愚。
從古才人問磨蝎，昌黎偏及此星辜。

上元

客路逢元夕，詩朋散古城。
如何橘洲月，不在乳山明。
夜四照堂詩集卷十四鄂中三
鑰弛官禁，花燈劇市情。
飛沈應有數，底必問君平。

五蓮燈

別歲驚元夜，看燈悵五蓮。
倘逢咒鉢地，來悟吐花緣。
世難不可測，奇愁何處邊。
吾將證明月，對影問諸天。

夜氣

夜氣黯雲層，奇寒觸雨凝。
梅花未成雪，天凍不知冰。
破廟狐巡月，幽房鬼踏燈。
那堪尺寸地，放蕩極吾曾。

身事

身事羈囚薄，吟懷天地空。
愁隨四簷月，吹入五溪風。
酒國浮杯大，霜華倚劍雄。
人間如意舞，無復羨王戎。

楊蓬海張力臣用坡公下獄詩韻見贈疊韻奉酬

二首

心花吹怒破囚春爲感纍臣垂老身文字接交初抗世
才名爭壽久輸人蟲沙命掃寬中影豺豕威通夢裏神
何事星躔犯磨蝎吟場生恐負良因

惡木窮陰逼雨淒拘囹何處展眉低畫中清夢思迴雁

謂夢岳圖

老去雄心冷縛雞陶令誤憐秋菊婢林逋空狎古
梅妻湘門此會都關數倘憶牽緣石鼓西

擬張率白紵詞次韻二首

離愁欲化秋雲飛妾容瘦損空芳菲漢廣舸輕偏自違

四照堂詩集

卷十四

沉湘

四

雲翻雨覆郎不歸夜深啓窗山月微

梧桐落子復落葉秋冷空房夜愁妾淚珠如雨那交睫

關河迢遞夢頻涉君夢歧途不可接

春陰

虛靈一氣養花辰砌草墀蒿雜還新滿地惡陰春寂寂

湘天惆悵古纍臣

二月二十五日作三首

人海茫茫感浪遊浮沉何止爲身憂西天噩夢驚神豕

時居佛慶菴

南國風騷悵楚囚鬼蜮祇今漫地在靈胥終古

泊天流青山坐笑歸來晚畏路風霜兩鬢秋

隻身無地解征鞍一夕天風戢羽翰林僻漫憐招隱易
緣奇終愧送窮難家儲未要千倉足桑者惟求十畝寬
妻子亦知貧俟命却從藿粥慰團圓
故園風物近何如詩思重尋灞上驢老豈得情能罵世
事將無補且焚書半生膽氣含精鐵千古心光養太虛
底用牽緣到塵累子孫相與問田廬

寄懷楊性農周荇農兩太史

岳山湘水鎮離宮並代生才有數公歸路九霄迴鶴
羽神交千里問詩筒奇文拔世心光陡俠劍橫空古鐵
雄鄂渚年年畏途在天南回首憶高風

四照堂詩集

卷十四

沅湘

五

酬劉子復見寄

靈峯種樹成清快九十六松今老大蒼陰暗奪瀉山雲
古幹橫摩草堂畫世外荒寒夕照紅狼烽低掃山林空
楚吳凋瘵傷心在避地非尋邴曼容

輓曾溫甫觀察

三河吹雨過靈魂一夕驚颺卷淚痕憤死尙懷擎國柱
衝圍空展受降旛塵沙莽莽埋冤血天道茫茫塞鬼門
兩度廬州陷軍地忍將勲業問長存

兼謂李鶴人
中丞之殉

上先大人墓二首

大靈亦有陷至情不可奪寂寂爺魂孤悠悠兒腸割飢

來迫遠離戎車信塗抹今日重歸來空悲震林末
日月背我逝屈指驚三年歲胡不我與出門風雨偏千
秋將奈何莫挽遺憂煎深恩枉圖報撫墓心懸懸
九月俞仲岳招集同人小飲分韻得花字
五載飛軍逐陣鴉風餐露宿久無家一生奇膽偏中酒
萬古秋心復對花時事忍拋豺虎地知交因感鬢鬢華
龍山此會年年在小隱何當似孟嘉

吳西次韻答余寄輝

神槍鬼鑿空籌筆楚北吳西苦泛家千里田原弔衰草

五年冰雪問梅花鄂州清宴幾朋舊宦海狂濤無際涯

四照堂詩集

卷十四 鄂中

六

才奇知遇古所少獨我相看娛拜嘉

彭澤道中

吳西巨獍掃兇頑萬帳貔貅且未還閒買孤舟二千里

仙風吹過小姑山

題畫梅爲曾滌生侍郎作

天公舊注扶花意萬古春心發奇氣塵世何堪知者稀
孤山雪冷楊朱淚名將高寒膽自殊愛花真見老林逋
疎枝閒着畫圖影皓月細寫香雲孤梅州一夜西風惡
五載探花事非昨臨汝更番洗賊來金樽喜對梅花開
磨劍秋融蠡湖月吹角夜轉鐘山雷征鞍遠自夔州去

秋風已肅將軍樹，邵陵凶逆更魂銷。西南半壁掃狼妖，
重臣行止隨。皇命但有先聲伏，寇驕夜深聽索巡。簷
笑十丈秋欄古月高。

題彭器之望雲圖

蒼天縱人傑，至性實所產。依依膝下情，咫尺天涯遠。每
觸平山雲興懷，詎能遣雲去。江天青雲來，山閣滿來去。
何悠悠寸心與俱轉。

爲吳古香畫梅兼以留別

吳昌吹笛下東湖，曲裏梅花水調孤。十載相逢畫圖意，
鼎州花雨埋菰蒲。日暮關山正愁絕，花前况有牽情別。
四照堂詩集卷十四西江
惆悵天南萬里春，夢中飛上靈鼇雪。

題黃仁卿濯足萬里流圖

湘水何悠悠，澄懷寄高躅。感茲不歇意，萬古抑何速。與
世爭大名，英雄昧溝瀆。滔滔萬里流，用以濯吾足。

題胥紫珊松陰飼鶴圖

圓靈育眾妙，寄物自有致。鶴情抑何高，靜者得就飼。如
何萬竅中，喧騰極神智。覘眼沙虫灰，大夢且弗逮。我友
具成見，朗州非避地。茫茫運會乖，關山正多事。三嘆依
長松，秋陰落空翠。

寄懷暉次山觀察二首

湖海難逢未易才
朗江聽數使君來
文章硯北多餘事
經濟天南有達材
楚澤分甘及魚鳥
梁山瞻影隔岑苔
何當爲補雲林畫
千里秋容一障開

觀察
工畫

仙雲飛影下蓬萊
賸水殘山有劫灰
籌筆只今煩葛亮
功臣從古畫雲臺
蠻天凋瘵生無補
故國妖塵掃未開

觀察江
南人

我亦隨公與憂世
自圖菴粥苦低徊

次韻答胥紫珊見贈

鄉關笠屐感朋從
阮籍終當與世逢
珠海掀波制龍毒
金霞留影弔狼烽
中原事變天無意
下宅民窮歲有凶
草澤英雄近何限
寶刀應自洗塵封

四照堂詩集

卷十四

沅湘

八

爲楊性農太史畫卻虎圖並題

磨牙競人血
恣毒揚凶威
隴上卻之去
山風吹袞衣

蔡靜山索題吳山嘯傲圖

君不見天南地荒莽
荆棘枉渚臨沅畏途逆復不見金
陵事變尤披猖
巨猾滿地橫兇芒
八口浮家定何處
故鄉久別吳江路
樂土遙懷離垢園
靜窩昔種志憂樹
千古吳山攬勝緣
烟霞早抱髻年痼
卅載今慳嘯傲情
閒愁坐對梁峯青
舉闈萱老登庭色
徑寸珠空在掌明
生事茫茫倘無策
馮唐鬚鬢行將白
似我天涯爾足忙
寸心自問將何適
海國重遊未有期
長途聽雨感睽離
畫

中輸與豪情在千里相思有夢歸

贈郭玉生

南楚民風古非薄瘡痍誰起昭潭黜慈雲在天豈無雨
欲雨不雨風作惡望裏靈光活佛來雲旗九道天門開
傾盆一灑具大力甘澤十載蘇民骸誌喜方歌碧湘雨
騰懼已震南天雷雞犬桑麻得安堵從此湘中勝田墅
風鶴何來夢裏驚資南滿地多颺颺載櫬長途無死戰
彎弓短部非奇兵書生戎馬曾承寵江漢論功眾推奉
楚澤鋒收舊膽奇湘農計鼓新團勇飛而食肉古無猜
將軍臂指收良材君不見二十一都應兵地秋霜冉冉

四照堂詩集

卷十四

沅湘

九

飛羣騎

次韻歐陽心穆見贈

雨湖詩客似雲間照影滄溟落書間

謂觀海圖

奇句有靈回

浩劫壯心無夢補青山含冤淚洗窮妖血切世光騰古
劍環我愧征途逐升斗十年鬚髮爲誰斑

送歐陽筱岑之祁門

中原震鋒鏑殺運今將迴將軍出山心蒼天以爲期關
山數往復我意胡逶迤尺寸負事權巨猾將焉爲君當
盡籌展天心固無私

登萬樓

謀火公安一笑堪七年餘燄照湘南

謂曾滌生制軍

洗兵已壯

千秋瞻望岳重開九面嵐諸將逐狼埋鐵甕海氛移鱷
近昭潭岸花檣燕分題處猶有閒愁繫俯探

郭玉生招飲卽席賦贈

樂國追尋得幾年湘天零落好詩箋湖山勝跡餘今夢
文酒高情補昔緣古佛一龕清影瘦靈光三匝智珠圓
種桃已遍春城樹花裏紅雲繞座鮮

送黃菊泉之休甯

江城吹雪舞離樽笛裏梅花照酒痕風鶴南來聲未靖
關河東下寇猶存書生負氣奇懷熱草澤談兵暮雨吞
四照堂詩集卷十四 沉湖
此去休甯應報捷莫將孤傲誤軍屯

次韻張樹人見贈

八年鬚鬢已成絲戎馬關山感別離漢雨飄鐙迴噩夢
海颺吹毒犯愁眉滄桑轉眼徒存影怒罵傾腸不悔癡
我愧隔牆無尺地子孫相與結隣時

與鄒資山夜話次韻却寄

城南對影月華在鄂上談兵秋氣深十載湘雲迴旅夢
四更江雨割愁吟莽蛟飛毒中原黑劫火漫天古甕沈
越壑凌岑意何限樊山高據薜蘿襟

晤范可亭湘中

羊城地迴邊雲熱鄂渚秋深夜月涼千里相思照華髮
十年離恨滿南湘客窗話雨燈俱笑結習論文老更狂
何日牆東共招隱雞豬圍酒送扶光

四月初十日哭姊

左思贈姊懷長句屈子興悲發九誥骨月固窮天趣足

別離中歲死亡多

兼謂一姊
三姊下世

泉臺覺路偏難阻駒隙飛

光本易過太息吟情黯風絮詩筒筆架苦摩挲

晤王壬秋

鄉居鐵洞偏相左客路熊湘偶得逢詩酒因緣留虎將

關山奔走脫狼烽天南古萼誰攀雪

時屬
畫梅

吳下神鈞倚

四照堂詩集

卷十四

沅湘

十一

借鋒卜宅碧灣終有待兩家分據水雲重

訪郭筠仙太史二首

紫磨洞口踏雲來萬里蒼冥一剎開太古奇緣留福地

神仙飛影下蓬萊出山泉水真源在繞屋書聲大壑迴

世外可聽洪澤雁磬磬猶切楚天哀

軍將稱才垂世少中邊遺患感人深頗聞江漢論功地

却苦天津畫策心海上窮蛟容盡斬江南狂寇要生擒

空山有客頻煩計惆悵隆中梁父吟

時李希庵中丞奏
聊公藉病未行

懷王子壽比部二首

寸心憂國明先見

時事之變
君早決之

風化思迴著作情運會在

天原有數肝腸酬世總無聲中原帑糜殊恩在諸將勳
高一死輕老去高懷繫天下只今清淚尙縱橫

洗兵何日漫尋詩避地江陵強自持罵鬼坐舒方朔憤

問天聽按楚騷奇故人世做懷名節謂曾滌生宮保風教蠻荒

重典儀我愧吟場逐駝驚推敲還決閩仙疑曾承點定抽稿

七月二十六日曾滌生制軍招同莫子偲趙惠甫

飲酒賦呈二首

七載戎行接勝緣每聽大局計安全重臣憂世心何切

名酒聯懽事偶然六代江山新仗鉞兩朝勳業舊承

天大儒吾楚文章伯肯表詩誦入盛傳曾許序拙詩

四照堂詩集卷十四皖中 七

金陵岫負尙臬雄餘孽終看翦蔓空盤錯論才天下少

中邊籌策聖心同兵分王濬千艘在時圍安慶糧指鮮于一

路通計日皖中應奏凱樽前重領醉顏紅

聞曾沅浦觀察八月初一日收安慶

昨夜五星初聚影鶉尾聯輝宮路炯天弓奇光照洗兵

寶刀三尺霜華冷十載萑苻掃未清皖中滿地多麕麕

將軍一夜燁離火摧城力大容先登令嚴使指重圍合

萬馬連鑣縱騰踏兩載勅勅扼戰誠陣做魚麗六郡兵

早知背水孤城破羣醜跳梁不禁餓神算天迴北皖臺

奇謀路翦東門埧君不見集賢關頭鬼魂怒殺機橫闖

龍山路復不見鹽河水道相周通熱血夜染江潮紅

邢子膺索題南湖菴堂圖四首

車唇篷腹感長驅千里兵塵逐畏途今夜鄂王城上月
倘飛清夢到南湖

六橋烟柳古刊城背郭斜陽繞屋生猶是當年讀書地
不堪回首問孤檠

棖觸揚州海月生二分輸爾比雙清王盧觴詠留情地
可掩紅橋舊姓名

爭題名字半材官行樂憐君敝將壇勳業文章定何限
我來都作畫圖看

四照堂詩集

卷十四

院中

三

寄懷黃虎卿太守安陸二首

漢雨逐雲收空江古月浮離愁自無影時照水亭秋
事餘雙管奇才控兩樓郢中名勝地白雪許誰謳

安州聞固守簪盞總無因灑氣懷神劍邊封洗劫塵
勳名半生事琴鶴一官貧重憶聽笳日君鬚倘似銀

君有聽笳

圖冊

寄懷羅子銘觀察粵中

皖北饑驅何足論寒潮觸客悲風吞浩劫層層洗封土
愁霾冉冉吹妖氛南服重來定何日將軍已掃豺虎窟
定遠奇謀世所聞飛而食肉誰相失畏途險巖埋冤雲

神豕白晝囚詩魂
卿雲記盼粵中影
生佛聽迴湘上恩
千里相思照華髮
海門飛上金天月
遊慳珠海四年夢
跡阻狼鋒萬枝鐵
花埭唐園勝會多
新詩往往驚蛟鼉
韻事南方問前古
奇才歷數將毋那
世教巍巍振浮靡
西樵粵秀生嗟哦
我亦臨風展唵袖
久傾風雅沉湘舊
何況濱江悵雪時
冬楊昔響鈞天奏
君不見時事蒼茫
感變遷大臣憂國
自年年又不見九
邊氛祲知誰堵
鯨族移羣滿中土

遊懷忠祠用黃山谷松風閣韻同王孝鳳作

天風颯颯迴寒川
山岡綴閣連修椽
重摩壁畫多茫然
四照堂詩集卷十四
鄂中

十四

舟船往復今四年
遊跡汗漫垂荒天
短衣何自彎狼弦
濯足祇可緣山泉
結伴况有王耶賢
昔君貰酒巡華筵
賭樽瀉溜如河懸
大叫潑座浸吟氈
酒波汨汨鳴潺湲
老饕醉罷搜秋妍
呼童更進胡麻餠
香積借裊僧廚
烟將軍拔劍聞刺泉
謂彭雪琴中丞
蔣之純觀察洗兵昨過樊山前
崇祠無恙堪座眠
弱蔓地荒民命纏
令我愁緒禁綿纈
空庭弔古神風旋

留別王孝鳳兼題畫梅

君不見圓靈健轉常悠悠
十二萬年神力休復不見車
輪無角曾施設恣轉長途那
可歇人生歲月能幾何匆

匆又作樊川別

時將重
在粵中

天平壩小軍山畫策和門兵力

單草木夜偃風聲寒豈無尺地尋便安時艱高目牽憂
歎江陵子役分途去千里荒天夕陽暮夢遠天垂沙市
雲思深人倚新堤樹此日西山訪舊來鄂城重掃妖氛
開山邱華屋已如夢沙草人牛何處哀坡翁昔年構亭
地九曲廢址餘野梅探幽忍踏上方月對影忽傾離別
杯花前棖觸芳魂在客路淄塵髻鬢改祖道高誥古雪
寒笛裏香光照南海

白題畫梅

十年荆鄂阻兵戈冷雨寒燈自嘯歌誰與樽前問梅影
四照堂詩集卷十四鄂中
五
萬花如雪洒行窩

贈莫子偲兼題畫山水

江南覓靜土寸步不可得兩點金與焦看山願奚塞君
飽黔中勝雙眸照山碧亦復懷僑遊江天阻孤客與世
避艱危悠悠復何適慷慨寄繪事展眺一太息故國今
如何千山夢飛鏞

故太子太保中丞益陽胡文忠公

林翼
輓詞

君不見楚疆蠲賦鋤胥毒葛天重造黎民福又不見蛇
豕殲除百戰場蠻荒古鄂收金湯大臣勳業問千古問
世乃有公才長六載焦勞拌身死悲風激裂天無光噫

嗟吁運會行將迴斯人竟長逝兜氛漫地掃狼烽海族
牽羣騰鱷裔中原事變天心悽十年封土無完基野狐
夜嘯黑風薄破屋畫卷黃沙飛漢泉舊鎮耀金碧亦復
捲地埋沙泥貲郎計權老於事大賈不得充官釐量沙
補苴就窮計到死尙苦親撐持下士何來獨我哭肝腸
與世同憂危夜深倚棹月初墮九詔聲徹南天悲

題畫梅寄黃虎卿

別後相思何處着樽前無補安州約快寫香光泛月來
墨花怒洒秋雲薄頗憶探幽古應城碣岡鐵塹殊縱橫
奇詩不作閬仙瘦仙骨定數林逋清亘古畫師矜貌肖
俗手所能吾未到橫斜疎縱恣盤拏取影却憐孤月傲
何況文心曲折將毋同君性早與神明通靈奇乃獨讓
譚峭三嘆入畫天無功吁嗟乎林中隱士何蕭爽我愧
懷才願尋放幾日孤山逐影飛江天控鶴吾其儻

贈黃虎卿觀察

新詩飛影離仙窟古郢搜奇動毛髮遙夜啁啾鬼哭聞
冷雨蕭蕭浸江月別後驚回漢上情六載肝腸爲誰熱
君才抗代幾人知我老掀鬚一叫絕鄂城此日芟黃蒿
故宮華屋感殘凋風世誰將振彼靡牽情君自餘悲號
將軍拔劍膽如鐵隻手沙羨走羆獬何况堅城立武昌

諸軍避地曾三裂，僇士雄冠耀雀翎。
大官英氣迴旌鉞，客邸重逢氣自豪。
東征聽數霍嫖姚，謂曾沅浦方伯九年鶯鶴

收全力千里蟲沙掃，劫颺畫裏悲笳切。
凋瘵君有聽笳圖故云

忠憤頻年激妖怪，早晚尤深計國憂。
海氛吹毒連中外

三月三日遊瓊湖弔陶問雲中丞

楚鄂烽烟掃餘蠶，孤城照水風華別。
戰場春靄紅梨雲

花光舊染將軍血，將軍兵單心力竭。
魯口大隊區途絕

謂某制軍戈艦回援怒衝髮，謂彭雪槩水陣空揮魯陽鐵。
鼓聲死

悲風烈黃鶴樓中鬼，燈滅湖光晝湧冤。
雲熱只今忠憤

不可殁，夜深時和風湍咽。洒酒瓊湖弔奇傑，
焚詩爲表

四照堂詩集卷十四鄂中

七

孤臣節寸心，抑何慘。臨流忍將決，東風應識踏青人。
我

儻彎弓問窮獨

登安慶城樓弔江惠愍公

龍山暮色靄秋烟，慷慨登樓感剩緣。
戰骨可堪埋劫在

水光猶自抱城圓，英雄事業天難問。
生死機關將有權

千古茫茫皖臺月，祇今雷影弔名賢

張藝臣索畫菊二首

挾劍吳天逐豕蛇，風餐露宿在戎車。
劇憐五斗長腰米

爭似東籬一尺花

十載戎行百慮侵，秋花相對感升沈。
柴桑無限尋幽地

可領淵明退老心

曾滌生相國五十生辰四首

吳天聽唱鶴南飛，臺鼎巍巍表相威。
名將聲華尊楚望，老人精氣接辰輝。
丹心已鎮千秋業，黃閣曾頒一品衣。
笑折梅花爲公壽，九邊調燮望功歸。

閒世重逢古大儒，綸巾羽扇自清娛。
湘天縱火光芒遠

謂復湘潭事

鄂渚籌戎臂指孤，海上生擒計擬猷。
時上海未靖江

南神戰問蝥弧賈，家昆弟偏師在會看。
金陵萬虜驅

楚材搜括應軍專，韓范收勳有夙緣。
邊騎十年餘血戰

將星千古燭南天，皖山活佛將移座。
鐵甕窮狼早避弦

四照堂詩集

卷十四 鄂中

六

指點伏波銘柱地，士民聽頌馬文淵。

風流江左老平章，大任天將繫主當。
神算劇邊傾士馬

忠貞維世表肝腸，才欽鳳閣恩何限。
人享龍山壽更

長願補延齡一樽酒，海天懷刺拜甘棠。

寄懷炳生弟蜀中二首

少小相依老別離，西川戎馬未班師。
三年魚雁空消息，萬里關山試險夷。
冒暑劇憐傷肺病，聽猿應切異鄉悲。
倚閭日暮衰親在，似我天涯歸計遲。

故園謀食定何年，未報親恩老鬢顛。
世外榮華原似夢，吳中奔走自隨緣。
鄉愁牛渚秋雲濕，客淚姑溪夜雨懸。

期與南湘話清月樽前攜手證團圓

送劉琇峯之任鄂中

繁昌揮手去古鄂亦天涯遙夜江城月重尋笛裏花長
才試舒卷草澤問桑麻

亦作澤國
感蟲沙

莫更攀吟事槐陰早

放衙

四月二十七日隨曾沅浦方伯進攻金陵四首

陸郎橋

一笑攀帷暮雲裂將軍試砍延津鐵昨日衝鋒自過橋
橋上秋霜洗猢猻社梓圩桑影寂寥殘民饑餓將無聊
馬上聽屠一鬻肉適縛僞官騎馬曹

四照堂詩集

卷十四

金陵

十九

金牛洞

野市荒天羃妖霧狼烽盡掃金牛樹古洞無人落照斜
陰風吹冷戰場花五更鳴角拔營去山月千村明豕蛇

秣陵關

賊膽胡爲不禁破萬馬盤雲奄驚過飛而食肉將毋同
班超曠世多奇功君不見秣陵關降旛一夜吹英風

牛首山雨花臺

無復深山問牛首餘孽焚巢踏空走古塔愁埋十丈雲
荒烟晝黯千條柳數里高臺接雨花移兵夜肅千屯鴉
書生禦武若無事二鼓涼月聞匏巴

寄彭雪琴侍郎

蒸湘南匯本無端，千里離源拔地寬。
到海方知經世大，迴波終恐望潮難。
秋燈覺夢寒光短，醉影歌風老鬢殘。
冠服何心計鶉鷩，受恩俱是舊材官。

與友人夜話有感

六朝王氣黯然銷，千里籌需感寂寥。
金柱市燈延旅夢，吳江秋信落寒潮。
天涯舊侶餘蓬梗，客裏閒愁問酒瓢。
水國無聊行計權，飢軍思補霍嫫姚。

寄懷王柏泉丈次韻

故園離緒劇纏綿，戎馬關山跡未捐。
鍾阜妖塵吹雪鬢，四照堂詩集金陵卷十四
南弧秋影立雲仙，記攀白業曾三度。
偶別青琴已十年，安得小山招隱地。
一壺分據酒中天。

諸軍

隻手誰能挽世屯，諸軍師克證和門。
三吳盤馬將無地，九陞圖龍尙有恩。
破膽狼窮埋鐵甕，移潭鱷毒犯中原。
坐謀藜粥復何事，憂國深情暗自吞。

寄呈左季高中丞

石鼓大篆何皇皇，字畫磨滅摧風霜。
鳳翔天興旣恍忽，訛跡不復搜陳倉。
何況史籀而還二千載，神鬼呵護無文章。
吾楚能書亦有數大筆，乃邇李斯變態生奇光。
蛟

虬怒號古鬼泣險怪奪影崩天閭紙上出鋒有八面腕
底屈鐵無二王師法亘古貴覆掌我亦學草追吳昌愛
才偏續固拘命湘門翦水團冰鏡萬事何如文字緣三
生素業聊堪證但恨未識韓荆州邂逅人間豈前定客
路茫茫阻越西妖塵千里埋鯨鯢昨聞斫賊恣奇膽熱
血濺影江湖飛勳業豈無後世曉經濟早有 先皇知
名將聲威古良弼餘事拈毫莽風疾君不見海上驅兵
臂指飛破險用刀如用筆

寄趙梅卿

荆山何蒼蒼姑溪亦迢迢聚散觸影悲同僚離魂千里
四照堂詩集卷十四 金陵 三
偏難招秋萍豈無根浮蹤不可託海天縹緲風濤惡相
尋既無地相思又奚若君不見馬蹄方相尋不昧吳天
長又不見輪有角天涯可住相思軸

舟夜

海月盪姑溪孤船逐影低夜來片帆穩吹入蓼花西惡
夢不可破老鴉無復啼邊烽驚未定相對感鳧鷖

次韻朱月坡見贈二首

需臺行邸逐溪開博雅曾無好客來何幸江關接知已
劇憐詩卷有真才丹陽老脫封狼在素業重搜浩劫迴
舊嘗爲粵逆所挾記
存者僅十之二三 定喜邗原深避地空山容我話樽

疊

憐君溷跡水雲濱強作需場律權人無可奈何憂國老
最難相與愛才真青山古井秋陽暮牛渚西江宿草陳
謂謝公井
太白樓名士遭逢亦如此天涯攜手問征塵

次韻寄傅鐵椽鄂中二首

武昌遊宴地三載負黃花旅色邊雲熱秋燈老鬢華東
吳未歸客姑孰倘移家今夜南樓月思君合有涯
夢冷洪恩寺秋深古甕城天風截江大山月湧潮明舊
雨不知處新愁時又生梅花江上笛吹落總無聲

次韻寄楊

襄業

鄂中二首

四照堂詩集

卷十四

金陵

三

銅陵金柱方舟地毳幕傭書老筆枯餘事迫人慳酒債
涼宵遮月據詩通江天對影狼氛惡鐵膽籌邊虎氣粗
建業繁華已如夢不堪回首問雄圖

江左巍巍鐵甕城中軍南渡有勳名

謂曾沅
浦方伯

三吳戰伐

空諸葛六代興亡屬馬卿海雨吹愁破清夢天風酣酒
奪奇兵鄂中無限尋幽地輪爾滄浪小濯纓

次韻寄黃仁卿二首

萬籟此俱寂結想垂清寥水久爲客離魂胡可招詩
力攻窮秋冷豔吹神飈遺風遡太古眾響何蕭蕭
兵戈恣騷屑桑榆負南畝客途忘饑愚侵星自奔走圖

功曷有極北望空搔首桓桓大將軍任重豈所負

次韻答友人四首

落日淡牛渚西江霾惡陰中原容虎鬪水國恣魑吟時事不可問關河秋又深元暉山外月應感去來今

六代尋游地江山掃盛緣孤蹤照戎馬落拓在兵船露

布秋江冷邗溝古月懸

西北古糧道地

相思舊吟客何處展雲

箋

湖口籌兵日衝鋒亦快哉自來飛食肉不負笑憐才吳越猶多難人牛實可哀相將問三極無復對金罍

何年逐戈艦相索引迴湍古甕沈銅狄終軍冷鐵冠雲

四照堂詩集

卷十四

金陵

三

飛五溪靜秋肅九邊寒惆悵湘門月空江續影難

寄懷麻竹師宜章

天涯良會逼窮妖江左知人感寂寥別後沅湘勞夢轂樽前風月憶詩瓢榕門飛將聲光近章水清波海色遙東下樓船共長策降旛猶阻石頭潮

舒錦庭索題古眉峽殺賊圖次韻二首

五嶺論功地窮荒此得名萬妖迷古峽一劍掃邊城虎將推神勇鴉軍服眾情由來征戰事端要有先聲

銅柱殊勳在蠻方古戰場書生善戎馬戈戟照秋霜畫裏鬚眉壯吟邊膽氣狂灘江猶未靖中澤繫情長

聞郭筠仙開府粵東却寄四首

戈船下瀨鏖兵地嶺嶠蒼茫感陸沈
問世論才初屈指中原撥亂早推心
浮槎渡海迎卿月藜杖看雲仰沛霖
十載前遊無限恨爲君南望一開襟

孤鳳文章耀紫宸蓬山飛下羽毛新
炎方事變三城運王氣天迴百越春
海上星雲依玉節窮邊蛟鱷避朱輪
文犀桂蠹初何限書劍依然不礙貧

時事撐持重異才火輪日夜迅風雷
五羊畫戟推名將九陞神韜八選材
龍堰秋清淮水靜虎門情薄海氛開
揚州尙有多情月千里依依送影來

四照堂詩集

卷十四

十四

壇坵巍巍鎮楚騷南中聽試粵吟豪
邊庭逆祲收籌筆海國神風響玉璫
天遠羽書隨電過晝閒牙纛倚雲高
愧余曾作羅浮客擬乞仙丹換二毛

四照堂詩集卷十四

四照堂詩集卷十五

湘潭譚溥仲牧

古近體詩一百五十七首

感事二首

諸軍重誅戮殺賊如殺草智計屈游勇後患此莫保擄掠橫需臺逆法自可曉伴食與茹疽王吳及恩早服眾惟一心豈獨恃城堡用之昧其初棄自縱其擾大地有殘劫吳天無沃土民窮生事艱泛宅勉爲估競利在錐末豆粥堪幾許是處扼江衝律權奪嚴罟可憐脂膏枯煎熬不足補如何海船過相視若無覩

四照堂詩集

卷十五

晚中

一

采石磯

萬古有明月人間無酒杯磯邊問江水波外卷風雷醉死命不怨才奇窮所胎徯狂定如此未足寫心哀

采石磯放歌

奇才問世儻難偶與天頡頏天措手奪杯大醉江樓酒白眼青天復何有風雷溢縮退飛走世人皆欲殺徯狂又誰咎吁嗟今夜郎城外冤風愁天荆地棘埋詩囚吟魂卅載無人收鬼妾與鬼馬慟掃蠻方秋當年點筆大唐九殿纏纏千百言罵者死辱者羞達人豪俠空王侯夢裏浮榮何足恃神仙肝膽終無滓我來大叫一掀髯

幾度磯邊聊竊比千秋詩酒揆天才愧我落拓人間窮
不死

紀事爲會沅浦方伯作

君不見金陵城中賊旗莽大股侵延遍封壤又不見外
賊來援萬馬劈雨花臺畔天無光日暮傾壕踏礮上如
蟻紛紛曼孤礮三面騰鋒冷雪飄一天縱火秋熒昶書
生膽肅方澆杯二鼓樂罷和門開顧視清閒氣深穩緩
帶結影山風吹令嚴使指諸軍效層壘營營伏銅礮弁
勇佯迴西望逃戈矛故作北奔倒那知賊近方轟雷萬
礮觸火天爲摧烟昏夜黯餘響希但聞血洗山泉哀天
四照堂詩集 卷十五 皖中 二

明啟窻橫賊骸狼藉糜敗幾成堆殘賊未死魂已飛召
之細鞫從所來云昨會稽初出師精兵十萬西街枚今
茲破敵誰策危僞六王丞空自悲尙云誓死當復迴埋
途且退靈巖隈吁嗟乎殺機或亦關天數萬劫茫茫不
能恕可憐屠戮人自招天假將軍百鍊刀

送友人出塞

大龍山色黯崔巍祖道舒州暮雨霏賦鵬已傷王傅淚
牧羝終見子卿歸千秋功到史乘少萬里恩垂沙漠微
且盡長亭今日醉天涯西去故人違

中秋夜作

海色天光照酒杯一輪飛上雨花臺劇憐千里尋詩地
看到江南第八回

聞鮑春霆軍門收甯國

側聞文眷山前路悍賊連營十五區千里援師下西贛
八年寇孽洗南湖黑旗鮑軍早令望風走熱膽尙慚旬月

誅

自東流進攻
迄今十越月

戰罷需臺計直補將軍應是亟籌吳

中丞固始李武愍公

孟羣

輓詞

救援翻使斷援危誓死難鳴抱隱悲三楚奇勳堪弭謗
九江廬州秦屬九江兵變莫酬飢此身待斃腸應裂隻膽成仁

肉已糜千古廬州問戎事孤忠只有 聖明知

四照堂詩集

卷十五

皖中

三

感懷二首

千里孤帆照影殘征途東下路漫漫自憐衣上思親淚
不到湘天尙不乾

吳江是處響悲笳八載戎行老髯斜亂世西風自無恙
秋來還發戰場花

寄懷張仲遠觀察上海

天涯移部豈初心葱嶺凌山毒瘴侵蜚雨觸氛三泖陪
蛟霾飛焰五湖深鄂陽久盼雲中鶴夢裏秋生海上琴
今夜窮邊一輪月老懷憂世總難禁

輓蕭虎丞觀察

江漢先聲奪犬戎解龜翻嘆浙援空

羅淡村中丞請改陸師援浙

死

堪報國千秋在生是飛軍萬馬雄王濬方舟原有待

其

水師將圍安慶須墮降虜竟無功劇憐載櫬承師志越海吞寬

老淚紅

謂彭雪琴侍郎

姑孰遣興兼寄友人二首

青山巖壑枕江明坐美元暉此得名但有新詩思接武
恐無清福老歸畊世惟罵鬼讒方朔士總欺人殺禰衡
漫把行賸一長笑千秋堪證遠來情

海色蒼茫信轉蓬吳天寂寞故人空寄禪靈運堪逃死

送鬼昌黎莫拘窮采石昔稱名士酒臺城今接大王風

四照堂詩集

卷十五

院中

四

謂會沉甫方伯

偶從驛道遮畱地會感當時

卽鄭莊

待士功

烏衣巷

三十離鄉四十歸十年遷變事都非天涯又到烏衣巷
却似吾家燕子飛

炎風

炎風搖海瘴秋氣伏寒潮中病延吳劫游魂補大招世
屯五方警支紬萬戎焦謝客能逃死禪天佛影參

九月初一作

老去此多病奇窮日已深遙憐故山月應照乞歸心上
藥慳吳土新寒襲布衾戈船好乘夜無復問江潯

鄂中晤鄧少欽張清甫

舊雨一星散天涯隻字沉何來踏湖月相索問孤琴鬢
髻日已白關山秋又深五年別離緒將夢補殘斟

病懷兼寄張清甫二首

病懷禁雨激蟲吟十載悲涼感爨琴海國吟鬚吹雪斷
故園清夢入山深士從負氣埋忠膽民自偷生縱盜心
搔首吳天悵時事金陵鋒鏑尙成林

客裏愁來不自知鞭絲帽影劇披離湖天秋老尋詩夜
孤館緣深話雨時貧賤論交誰范叔知音從古幾鍾期
湘山倘卜移家地元稹兒孫祇隔離

四照堂詩集

卷十五

沅湘

五

過歐陽筱岑飲酒卽贈二首

梅花吹雪舞鬢花裏鬚眉老福尊擁案十年餘短座
搜奇千古問長存倘從康世懷靈運但許尋山避邨原
三上遺風有真派早傳家學到兒孫

戈船移掉此南歸海色天容照鐵衣信史編才存百戰

謂兵法
集要

皖城親道做黃扉吳中別緒雙魚在夢裏關山

萬馬飛手把修眉聊證佛一龕清坐表靈輝

題陶柚溪探梅圖

皖北天荒花事絕春魂舊阻封狼血十載尋幽憶故園
沙坪香夢迴詩窟瘦骨倘入塞烟冷芳心肯逐陣雲熱

畫中聊寄探梅意管領孤山萬重雪

次韻答周益齋

亂書遮日得休病破屋避天容放謫生事求人入情少
老懷罵世憎口多底煩古鏡嘆華髮儻許黃金埋逝波
杜陵曩日問幾走不才生長空婆娑

贈胡岳生兼題畫梅

卜宅涓溪深山泉接清聽樂土自得所事變各忤性禍
機在肘腋擄掠劇梟獍十載判飢驅犬戎埋穀鄧餘氛
逗金陵蜂蠆儻難淨君家湘水曲世難出陷穽餘事行
爲詩詞壇入清興良會詎可期長沙適所併會須催買
四照堂詩集

卷十五

沅湘

六

春飛觴一相慶况茲風雨多髮鬚空在鏡畫中慰離思
清影自堪證深杯抑何辭領取萬花盛

江皖清

白日慘淡空江流孤城草樹驚殘秋生靈凋瘵儻可振
大官束手徒懷憂江皖清江臺好明月對影者誰悲空
發悲空發吳天長野雲層層埋大荒

臺城圍

盤空萬馬屯臺城銅刁五夜秋風驚金陵咫尺不得下
古甕城中見黃瓦賊宮蠹地垂丹楮臺城圍西南一角
遙天巍巍六朝王氣何時迴

壽州款

江天一夜吹蘆管八山下妖塵滿秀才作賊不挂眼
隻手擒狼能納款敢自賊中來復得賊中計吳天悠悠
儻所繫反相之謀獠性異君不聞古壽州曾得地

滬瀆通

滬瀆之流清且長滬瀆之阻天無光三泖與薛澱賊燄
屯兇芒今茲捎檄吳鋒昌將星乃在南斗傍君不見滬
上波滬中血千里秋潮照人熱

次韻楊梅琴觀察九日讌集綠天菴兼以送別

四首

懷鉛握槩舊知聲蓋代維風響墨城大將登壇秋縱兩

四照堂詩集

卷十五

沅湘

七

奇文招月夜呼晴煙霾古洞開塵黯湖岳靈光證佛清
聽數南邦及情地萬家憂樂繫民生

廳事餘閒俗莽空名區披籍按詞雄畫搜北苑秋將老

謂見示二十年詩補南陲國有風巖洞撥雲尋鳥道寶

刀飛雪下鬪宮芝城回首窮妖靖冷血模糊照影紅

江上崔巍畫閣臨滿城風雨送孤吟禪天祿補書蕉地
斷碣青懸吮墨心世難瘡痍迴勝策秋空兵燹掃長林

吳中尙苦狼鋒在凋瘵關懷又到今

漫天連夜雨懸河祖道何人激嘯訝萬井沿湘嘅禾黍

粵逆會犯湘潭三崕飛席渺煙波城南小別詩緣少畫裏深秋

月影多

時屬畫梅

我亦迢遙復東下愧從輪鐵感陀陀

爲楊海琴畫梅二首

羅浮曾踏冷雲堆夢醒林間翠羽來空繫相思二千里
却從聽壁識奇才

湘天離緒亂如麻文酒追歡老髯斜此去芝山問明月
有人連夜夢梅花

題畫爲惲次山方伯作四首之三

寰海猶多故湖山好畫圖是誰閒蠟屐相對坐提壺泛
宅蹤無定秋雲影自孤天涯帶長薄細路莽榛蕪

姑溪孤塔外牛渚大江湄千里刺船地八年磨盾時天

四照堂詩集

卷十五

沅州

八

光黯蜂蠆海毒縱蛟螭惆悵西梁下秋潮冷畫旗

寒鍾飛細雨一夜下孤舟客路此歸計長沙今息游世
迴中酒命詩約踏波鷗莫道南衡在曾無夢裏秋

過陳槐庭飲酒卽席賦贈二首

落花吹雪下銀罌故國東風尙有情邊將儻能迴世難
中原何處策饑兵西湖弔古冤雲熱上谷尋詩海月生

君有津門

百尺樓高秋思迴

君有百尺樓詩集

廣陵驚聽怒濤

聲

湘江日暮雨瀟騷匹馬衝寒捧檄勞三尺論勳秋擊劍
一環歸夢夜鳴刀天圍楚甸平湖靜山鎮離方古岳高

遠道初迴翻似客樽前須盡使君豪

畫梅兼送孫曼青四首

鏡洞奇花手自栽故人無復問詩媒
淡香疎影抑何取猶向湘門犯雪開

漫將冰雪比靈奇花裏精光鶴也疑
濁世知名應自媿何人玉笛要橫吹

離家東指野梅開花鴨承權老髯摧
我亦思親無定在香雲飛上定王臺

託跡湖湘未有涯孤山何日醉流霞
吟邊一夜疎籬月管領湘東夢裏花

四照堂詩集

卷十五

沅湘

九

晤張力臣兼題畫蘭

故鄉長判離奔走亦無謂悠悠二十年
鬚髮各已異何當湘門隈風鳶今戢
披巖鄭豈勞生張邴非避地蒼天
覆萬竅喧寂自有致痼疾在烟霞
浮榮獨遺世空山天地秋庶草一
顛頓清芬不可奪悠然發蘭蕙

謝郭意城舍人惠筆

神仙柔翰世所罕五色爛斑照青眼
遺我珊珊玉一雙金彫寶琢殊相遠
愛玩已覺羨之深雕章自入少陵選
吁嗟兮江淹才盡髣髴斑百憂相薄
雙眉攢吹藤那可博秋兔灑墨不復
驚潛鼉天涯畫策空相送長鎗大戟

何神縱十載中原越寇多宏肇毛錐安足用君不見記
功書過且拋閒英鋒退禿藏深山秋桐飛翠滴殘瓦山
月破夢迴松關故人贈我亦有意漆絲文竹饒深致換
經倘令行進鵝十甕埋憂本無地

畫石爲羅研生作

空中崩雲發奇態秋風拔壑驚蟠蛇細大落落勢相迫
瘦削凜凜天無加寒苔青入小酉洞嫩綠細補菖蒲花
他年坐我北堂上蝙蝠飛破昏煙斜

書所聞爲曾沅浦中丞作

金陵十萬延烏合殺機聽徹恒河劫將軍一身何膽豪
四照堂詩集卷十五 沅湘 十

縱橫衝突揮寶刀餘壘外城空賊巢熱血噴薄飛江湖
四十五日天風驕前年龍山賊猶猛攻圍大撲長濠迴
百戰翦滅江皖清碧血模糊今未冷飛將聲威世所尊
古來征戰能幾人豈獨天容賜顏色輿馬騰懽天下聞
苴糧莫飽千軍腹官釐計濟殊蒙欲此日中原未徹師
大荒疾苦羣黎悲鍊甕城高幾時下十年孫子貙罷霸
回首吳中舊戰場陰風習習吹愁大

次韻胡岳生見贈二首

關山馬鏡稱人疲湘上按奇漫入詩古甕擒狼羽書斷
中原延鯁海氛吹吳天選將功何及楚國經邦事可爲

作底名駒空伏櫪齋岩不負老龍枝

弧矢西山犯險迴征途遙撥冠祫開吟邊事觸悲風過
天外愁傾暮雨來送鬼韓公猶作達嘲賓楊子亦奇才
自謀羹粥復何暇慷慨憂時念未灰

與王壬秋夜話

清磬飛簷下五更湘天歸夢續前盟十年舊服緇塵在
一夜深談白髮生酒影蒼茫照湖月詩情悽楚入邊聲
故園聚散初何定正苦關山未息兵

畫梅送吳子登往粵中

曾證羅浮萬山雪奇光夜奪鏡橋月畫裏拈花忍送君

四照堂詩集

卷十五

沅湘

十一

離情爭觸西樵雲我自南方來君自南方去佛海茫茫
有劫塵空山可問菩提樹柳港唐園荔正肥東坡啖後
無人知真味如今更誰領蓬山倘待神仙來鱷族牽羣
移毒在寒潮坐湧珍珠海生鏡招回十六州鑄錯空延
古粵愁金碧光沈華屋影臺亭夢冷海山秋廣州勝事
何岑寂千里荒天况飛鏑五月江城有落花風前莫問
湘門笛

萬樓觴月圖爲郭意城舍人作

萬里金圓一輪月纖雲四卷江天濶眼底能收太古秋
人間乃有杯中物郭侯選勝凌中湘水天一色涵晶光

坐中有月酒無底酒亦掀波照人起樓影蒼茫夜氣高
詩思不減吳昌豪

舍人湘陰人

海內才人亦罕覯湘臯聽響

鈞天奏我適炎州阻邊寇句奇倘續將軍鼓鬼母夜逐
羸蠲號神蛇影逼詹諸鬪愁雲容容埋大荒人牛竄敗
驚流亡酒罷誰料殺機陡蛇豕奪地兇鋒猖七日孤城
肆蹂躪熱血慘淡腥風涼今日殘杯無客在岸花冷落
秋蘭萑運會南方禍有根盛衰夢裏愁成海年來閱世
嗟何及駕鶯飛倦扶光急戢翼長沙歎卑濕肺敗風寒
病旋入杜陵驅瘧句罔效湖廣支皇屋誰葺勉事尋秋
古畫深

其時購得文衡山山水小幅恍似其景索雲根補月用爲圖

林梢補月開窮

四照堂詩集

卷十五

沅湘

七

陰惆悵天南盍簪地萬緣中有去來今

贈郭意城兼題萬樓觴月圖

洞口曾探眾壑幽紫磨空插故園秋

謂過紫磨洞相訪不晤

天邊

客夢隨雲轉畫裏深杯引月浮經世行籌七萃士奇文
尋弔五諸侯當年勝會偏慳我惆悵湘南古萬樓

晤常儀菴觀察兼以送別二首

十七載如夢蒸湘感別離何來藥坪月坐對古荷池酒
影延清話秋燈歷舊知中原今未靖端要築兵饑

改服吾何補戎軒與送徒七年橫槩地千里逐江途韻
事迫懽少高懷息影孤衡陽挂帆去迴雁有書無

晤丁果臣二首

鄂渚分飛地，湘門戢羽時。六年重把臂，兩髻欲成絲。策世臣心熱，逃名鷗鳥知。古荷池上月，相對負襟期。齊年輸老大，風雪倦輪蹄。君自彎強弩，天邊射海鯢。盛衰心影別，冠劍酒杯低。倘問煙霞癖，高情動五溪。

過羅閩生小飲兼弔其兄伯庚學博

熙贊

日夕踏涼露，空簷散雨聲。月斜秋在樹，山迴夜依城。酒半問遺事，人間牽別情。弟兄一才士，妻絕庾蘭成。

時事吾何補，傷情又及君。書生在戎馬，孤劍策奇勳。誓

死人何恨埋，憂世未聞今宵理殘句。

伯庚著有吉日詩存

吹泪洒

四照堂詩集

卷十五

沅湘

七

湘雲

贈何子貞太史

道長鬚眉尊，清勤擁書讀。場來弄湘月，宦海謝馳逐。與世忘囂塵，濂溪問高躅。自種菖蒲花，仙根已盈掬。

擬淵明懷古田舍二首

土著多良疇，先農厯耕稼。我生舍所學，筆硯又已破。歸來息塵埃，童穉笑老大。樂事親鋤犁，餘閒接隣舍。油油鄉風純，讓至畧辭謝。旌蓋世所罕，村居遂多暇。當年劇閒散，老至無復咤。日暮延杯酒，悠悠忽長夜。

居貧抑何嘆，道在嬰長虞。鬚髮日以衰，志勤無復疏。改

容就簑笠時又親農夫芄芄禾黍交廣土成膏腴向夕
課工罷山風吹桑榆拄杖依紫荆日入牛羊俱此心致
虛靜簷月生西隅

擬淵明還舊居

我居碧灣西老屋廿年別今茲復來歸惻惻有悲咽溪
山不移舊故隣一以歿春來草木稀秋至稻梁絕流幻
自失常百年詎可達悠悠大化中我術倘難越一醉遂
自足且弗問飄瞥

自題畫山水二首

江天吹雪犯寒衣奇思慙慙冷不飛旌蓋年來都掃盡
四照堂詩集卷十五 沅湘 古
空山猶是故人稀

老屋曾居碧水灣種桑人自賦閒閒天涯忽被尋詩誤
老却涓溪無限山

擬淵明歸田園居五首

莽莽世中塵一爲車馬侵我今得幽居山水娛清音倦
鳥亦有適豈能忘故林乳山多良疇耕稼余所任芻屋
三數椽方塘榆柳深比隣無雜居過從時相尋晤談偶
接膝薄暮生涼陰戶庭一以靜餘閒清我心緬懷奔走
間汗熱不可襟

山居息浮囂輪鞅故已遠白日延荆關桐花落孤館振

策墟落間時復就閒遣所晤多老農歡言接餐飯我土不在廣桑麻亦已滿志力苟有得悠然自忘返

種稻南村陔靡靡陌阡合晨興得微雨日夕荷鋤入生事在簞笠詎獲辭霑溼但使願無違辛勤乃所習

久別輿馬繁林野自多娛閒攜二三子闢地開榛蕪中有昔人墓摧墮翁仲居孫子或有存黍飯今則無悠悠一世中自立貴不虛萬化自有待形骸豈無虞

自念行策歸閒散隨我遇覩茲山水清悠然適有悟寄情冲淡間靜者何所慕置酒招西隣取懽亦有素悠悠
秋夜長持杯遂達曙

四照堂詩集

卷十五

沉湘

五

九日登天心閣偕陳槐庭曹鏡初二首

滿城風雨散吟邊高處誰操拔世權眼底靈光照湖月樽前秋影落江煙戰場花冷銷魂色勝跡天懸弔古緣
謂賈井不果遊迴首萬方正多難忍從樂土負狼弦

湘門風色照寒林萬感茫茫動俯臨破帽影耐圍酒地故園秋老對花心天邊落日聞悲角閣外西風響暮砧
醉把茱萸寄身事就中誰與問升沈

九日次韻陳槐庭

酒船今始重巡行千古登臨特有情人與秋容變蕭瑟天從高閣判陰晴烟花瞥眼沙蟲盡風鶴驚心蔓草生

聞粵逆自黔
中犯辰沅界自古長沙形勝地萬家回首弔朱薨

晤鄧彌之觀察

婁如墓上題詩處風雨蒼茫動鬼神
奇氣夜迴巾幗夢心光遙破贛江塵
南中抗世無多士天下論才有幾人
我愧湘門新識面秋容猶照古龍賓

九日登高次韻羅閨生

遙天嶽色下雲邊樓迥秋光縱酒權
時事定誰收虐祲

時道州復警

風詩容我弔蠻煙南城尙有埋憂地

謂家仙破洲之殉

夢難迴隔世緣謂其兄伯庚殉於越今日懷人輸老大噓風禁聽

矢離弦

四照堂詩集

卷十五

沅湘

六

又次韻

傑閣層層出樹林
朅來健步試飛臨
詩添杜甫扶冠笑
秋冷王宏送酒心
薄暮西風驚老髻
空江寒雨落孤砧
故園此會慙相與
迴首神州感陸沈

又次韻陶菊溪

三邊長薄帶雲林
畫閣曾攀古道臨
千里征帆收短部
十年叢菊老秋心
孤懷坐擾江天角
遠戍驚飛夢裏砧
杯酒相將亦閒事
蜉蝣身世感浮沈

重遊晤溪兼懷楊霖堂

十載湘東清讖地
巴船重作看山游
溪邊泉石自今古

鏡裏烟雲感去留，峭壁晝迴孤客夢。奇懷間照水亭秋，
飛軍尙憶楊無敵。餘事行謁補畫樓。

同楊海琴都轉孫子福太守遊息景巖次韻

君不見息景天低晝，穿洞復不見洞庭水。大天連湖今
我拏舟，亦有數奇勝。併數人間無子雲，開鑿破太古讎。
坐舍我將誰呼興，公好游氣亦壯千里南。下攜妻孥狂
來作記補元柳。都轉爲之記老去試險窮清娛，拾級誰先登。
醉影爭縈紆十步五步，適有亭左隴右隴。重結廬水光
射影雪髭短，恠石逼人秋。夢孤堪命酒，跌團蒲世外不
逢陳臥夫。洞中日色蒼然晡，何況西北寇盜殊難圖。中
四照堂詩集卷十五沅湘 七

原悲陸沈神州已無餘，莊生化蝶何蘧蘧。我欲控鶴追
林逋，宦情似石冷透膽。劈窠字大不敢摹。

遊朝陽巖用東坡臘八日遊惠山寺韻

天南勝跡垂湘湖，竭去尋游何地無。永州奇怪盡巖洞，
山靈歷歷如可呼。詩瓢酒榼從短擎，水石雜還聊相娛。
幽洞無人鬼燈滅，冷飈坐逼泉源紆。古屋綴巖懸舍廬，
野僧入定鬚眉孤。老杖蒼藤上苔蘚，細波碧氈浮菰蒲。
識字我愧耕田夫，笠屐未歸寒日晡。少文臥令眾山響，
鼓琴動撥懸諸圖。此意不得情有餘，婚嫁未了那舒蘧。
世做拔宅已無術，側身天地空逍遙。就中安得住譚峭。

煙霞八世行堪慕

題畫露根蘭

拔葉離根爲底殘幽香却耐素心寒
出山奚似在山好任是朱門買與看

晤張蔗泉兼以留別二首

履綦聚散初何定風雨關心髻有華
畫裏江城秋似夢湘東琴劍老無家
南營古洞狼氛薄北渚愁羅鱷影斜
律權事微籌世大書生憂國賈長沙

世做民饑客思牽少文圖畫負琴絃
十年滬濱收征馬千里瀧灘送旅船
舊夢似雲炎海變新愁如月楚天懸
四照堂詩集卷十五 沅湘

六

誰家更擲桓伊笛祖道西風折柳邊

雙鳥辭

衡陽程春浦司馬學伊母氏萬伯母氏何事姑以孝聞皆早寡學伊兩祧焉

烏有母烏哺誠烏無母烏雛生啞啞者驚斯易巢嗣烏
烏別離生我之烏一身子烏雛反顧烏心切兩烏撫孤
一尾畢逋三趾健今且雛迴翔柏樹間赫赫毛羽殊一
子孝祥已如此却愧烏生八九子

九秋花卉卷子爲王岫雲作

蹶驥不可挽駸駸下天末夕景駐秋華嚴霜豈能奪繪
事將迴天花氣靄如活故人惜朱顏對影恣清豁及時
行自娛匪獨佐吟鉢悠悠寄深意智者豈不達命我綴

新詞將謂蔭蕭率三歎馮唐衰香雲照華髮

奉題張筱華觀察知悔齋詩集

衡陽風雪照吟鞍控海青琴此獨彈石鼓鳴悲秋激雨
湘波吐綠夜驚湍伏竒靈苑千山笑奏捷南營萬馬盤
客邸餘閒正披讀蛇神吹影逼燈寒

除夕祭詩偕鍾西耘作

夜靜空堂發幽怪竒詩飛影神光大此心自具太古靈
十二萬年端不壞焚灰未恣張籍吞設祀先叅閩仙拜
茲事足補人間竒往古遺風今未艾君嘔血未枯我瘦
骨已敗世教湘天弔影孤風騷粵海牽愁太白仙賈佛

四照堂詩集

卷十五

元湘

九

定何取勝概中原掃妖彗民情自箸古謠謠采風事冷
輜軒廢楚國豈無風空山遺宿慧地老天荒問轉機甕
覺梅花儻能再我懷竒君警邁禹錫之豪劇稱快十洲
三島一球琳萬竅茫茫拔塵界海兩晝埋山廓沈仙颺
夜觸穹蒼閉野狐竄避山魍奔虎氣縱橫發龔曠長材
救世愧無補馬鑣欲碎貂裘傲展詩用慰餘生勞迫促
論年今夜最洒酒荒天亟醞酬神風吹波激圖畫

時爲繪圖

畫梅贈友

銅鼓山前萬馬騰將軍飛渡紫虛尋遙知 九陞和羹
日猶是當年鐵石心

畫梅寄王壬秋粵中

天公發靈素眾卉不可覺冰雪饒清光孤懷抗幽獨精神入繪事淡遠印秋蕭縱橫自送影屈曲已老禿君似梅花竒魂夢擬相逐枝頭翡翠精遙憶浮山玉

春日雁峰寺晤王右卿卽贈

人生聚散初何定終古浮雲自往回千里湖天秋慘淡十年花雨夢低徊縱橫膽氣埋神劔慷慨悲譌激酒杯海內相逢幾豪士風懷閒照紫霞堆

贈張篠華觀察兼以留別

衡道驚飛將竒光龔劍華天迴九嶷夢春動五溪花海

四照堂詩集

卷十五

沅湖

十一

氣吹神雪

謂題羅浮證雪圖

江帆指粵霞明當揮手去離思滿

天涯

張篠華觀察約遊花藥寺晚至迴雁峰歸飲署齋
用東坡遊惠山韻偕吳麟周鍾西平作三首

曉日帶林薄濕雲開衆蒼遊心靜如滌花雨明虛堂空
山證禪寂一鳥聞西翔樹根掬寒泉悠然垂心光曲澗
迴風來挹此蘭蕙香茲遊實有數塵海胡相忘

鱷毒犯南楚腥風時吹人今日相東波對影羈愁新眺
聽逼畏途石險徒嶒嶙神峰拔層霄黯然俯妖塵落日
弔樹海古綠沈蒼旻丹臺與世別衆巘誰堪憐

暮色昏南郊，簷風下庭樾。歸來洗孤清，拔甕獨叫絕。亂世懷旅憂，海氛况難滅。瑯環古福地，太始忽照月。詩奇動衡南，震響一風發。紀勝誰重來，門前問遊轍。

贈沈曦亭

故國尙多難，此心空復存。蒸湘薄市隱，書劍肅征魂。睡足嬾問世，花深閒閉門。相逢二三友，拉雜倒罍樽。

春日遊泉溪寺兼訪傅奢臣

細雨蘸寒綠，深林生夕暉。寺荒僧影瘦，鐘定落花飛。舊句籠紗在，故人霜鬢非。相將問長策，何處買山歸。

寄贈王岫雲

四照堂詩集

卷十五

沅湘

三

十年往復蒸湘道，慷慨憐才見熱腸。奇氣未消三尺鏡，文心爭閃一重光。改衣久盼中原靖，擒賊誰騰匹馬強。

我愧將軍飛食肉，布襦行接管甯狂。

時將往南海

懷程春浦

直道世所罕，寸心懷子魚。十年照人地，隻膽吾見初。百戰無堅敵，南營有報書。相將問通塞，我尙愧居諸。

未陽弔杜工部

美道黯殘雨，山城暮色局。依人去西隴，生事泣南庭。憂世情何補，攻愁酒不靈。尋遊亦閒事，高唱與誰聽。

永興道中

昔過未足怪今來殊嚇然山奇不着地石大將覆天儻
爲烟雨迷所見乃殊前今昔自異狀滄桑奚弗遷

由耒陽至郴州途中紀事

捨舟亂山中深林烟雨黑古岫寂無人星星冷營碧詩
靈發光芒萬丈莫過石詎測峭逼天那避瘦驚魄奇恠
不可狀罅處忽進舶灣環盡未水計日昧晨夕但覺容
飯無郴州買黎栗

四月初七日黎友林羅春山招同劉曉滄羅伯宜

賞杜鵑花

郴州三陌萬綠空花事闌刪慘不紅一鳥血飛江上雨

四照堂詩集

卷十五

沅湘

三

數枝愁濺酒邊風天涯去住閒情熱故國凋殘感慨同
太古茫茫畫中雪

時屬畫梅花

儻移新句補神工

同李春舫過黎竹舫小飲

薄道郴南萬馬收茫茫荒服感遲留炎方逆褻慳遊屐
故國悲風激酒甌聚散似雲難補夢肝腸如雪儻鳴秋
饑愚與世老何濟祇我勲名愧徹侯

贈友

士馬如雲耀錦車黔中移節近三巴湘城五月牽情地
一夜聽飛笛裏花

同歐健吾太史麻竹師許彝伯兩司馬遊龍隱山

用東坡遊羅浮山韻

山中寂靜輸神京傾聽且領寒泉鳴龍潭五月冷透膽
照影厯厯垂空明吾儕濟勝自有具老天倘亦非虛生
但苦雙章昔據寇疲民瘠瘦荒鋤畊此邦移竈去已久
今日豈可辜岑彭八挺盤馬尙無地諸軍虎氣徒縱橫
薄道相將問長策草澤老衰何重輕粵南此去豈無意
封狼衝笑殊猙獍蛟鼉况復肆水怪腥風萬里吹邊庭
運會茫茫一遷變桑田滄海看重經三歎燕山論功地
豐碑千古誰勒銘諸君翩翩好救世黑頭勛業追公卿
隨雲我願從東野天下藉手扶昇平

四照堂詩集

卷十五

沅湘

三

許彝伯招飲卽席屬題紀遊圖

世做何年看戡武大地神州無靜土安得清遊補畫圖
橫琴萬里青山舞許侯空轍三邊靖幽燕策勝吟心猛
探奇更厯半天下所到殷勤發光景振觸雲林畫史無
穉蘅渲染胡爲乎天涯紀夢閒情熱海上橫琴暮雨粗
我方振策炎州去奇光三尺青蛇怒孫子龜鬻白下多
遊踪舊撥窮妖霧吁嗟兮犯海尋詩老未休極邊烽火
荔支秋四更夢冷尋花地千里潮寒聽雨樓廳事餘閒
君好古開圖選勝容誰補酒邊拈韻寫繁憂梅州一夜

聞鼙鼓

時嘉應州有警

寄呈惲次山中丞

中外韜鈴響重名南方綏靖屬奇勲蓬山世仰文章福
燕寢香凝畫閣雲王氣五溪迴沛雨和光八座靄朝曛
楚天自盼飛來佛千里沅湘頌禱聞

長沙持節據征鞍邊徭窮狼正膽寒扶世自戡蠻蠻亂
敷功眞見洞庭寬蠅旌畫肅明神彩雀翠風高照羽翰
他日 皇廷證調燮八方康濟繫瞻觀

題畫梅花贈友人兼以留別

魯臺山下梅花殞畫意西陵復誰引
振觸兵烽久蔓延斧斤所到根株盡
君今索畫家山春坐憶花枝影未眞
四照堂詩集 卷十五 粵中 畫

閒情肯負珠江月遠道空攀鄂渚雲
宦轍年深據南服牙齋饒有儲詩屋
水部聽酬畫閣吟師雄夢繞浮山玉
杜牧三生膽最奇花前對影傾相思
五月難逢故園笛千秋合補離騷詞
炎方我昔尋詩處名山濟勝慚無具
五嶺徒慳遠到情十年莫問相思樹
人海茫茫詎有涯離懷重對數枝斜
靈鰲一夜長亭月管領南天夢裏花

寄李小樓粵西

桂林奇峭傲羣巒畫裏詩靈振百蠻
古艷坐來驢背雪高情閒對虎門山
東墻結屋身偏隱西隴稱才髮未斑
問信榕門苦征戰可從岩洞念時艱

登九成臺同方子箴觀察

兩度尋詩做越臺邊風蕭瑟犯潮來山奇易續芙蓉夢
天濶難迴渾沌胎蟹雨曉隨魚艇散蜺旌高薄海雲開
騷壇一刹神飈靜慷慨飛箋摩古苔

奉題方子箴都轉二知軒詩集

太古元音卽元氣塵喧百竅空繁細自從鳧氏爲大鍾
萬古聲靈在天地嗣響聞世應難聞大鳴獨讓飛將軍
虛堂白晝走雷雨展卷一刹陰風奔神光燄熊照南服
恍似戈矛刺吾腹鐵花字字生寒芒我手胡爲不禁縮
氣豪吹座海濤飛律嚴驚鼓天狼伏梅州楊生得不朽

四照堂詩集卷十五

粵中

五

却從補過存詩誘謂贈梅州楊生詩千行攢影襲頽陽萬丈騰

光射南斗朝陽息景更懷人證雪羅浮四百春承寄題朝陽巖

息景巖羅浮證雪諸圖照我如迴大龍月九淵一洞仙飈發何况

九成黃月垂高臺同登九成臺有黃月逐雲開之句滇江水滿蛟鼉哀

客路何當恣瞻仰炎州我豈負孤往十載青琴有夢思

海天一夜迴清響

同陳懿叔郭志城小飲撫署

十載尋遊日輪蹄散莽榛天南此相晤酒罷一傷神老
髯明邊雪孤花照旅人儻非綏靖地猶是犯征塵

過杏林庄飲酒同友人作

逆燄燁朱火荒邱泣鬼燈天留清宴地詩補舊吟朋噩
夢迴孤枕蠻雲襲短髻摩挲七十石奇肖問誰曾

園中有七

十二石
故云

文樹臣招集同人飲酒次韻李子虎

海天風色照蠻秋水閣相將此薄遊運會十年餘福地
盛衰千古問閒鷗仲宣短服能爲將蒯徹初心本不侯
世傲彝權定何策瘡痍可繫使君憂

鄧蔭泉餽糲粢荔詩以謝之

湘原會種樹長大不成花始信炎州荔名高處士家香
雲酣短夢古雪浸流霞杏子今何若南天兩拜嘉

四照堂詩集

卷十五

粵中

美

郭筠仙中丞志城太守昆仲招同陳懿叔吳子登
陳蘭甫桂皓庭飲酒賦呈七律二首

南天畫戟傲龍門客路遭逢酒一樽偶寄閒情到朋舊
藉謀清醉補煩勞中原盤錯論才少傲世忠良見道存
十載羊城問時事 聖心將及轉移恩

雄圖開闢重 皇基亘古興衰有遞移氣運自迴山海

盛雲霄終見羽毛奇羊公惠愛關懷切杜老饑愚阻世
宜此日炎方重聚首酒波瀲灩照鬚眉

文樹臣太守見示尊甫宜亭觀察公

晟

遺集奉題

奇氣鬱窮秋靈光片羽收丹心照南海碧血冷松楸巷

戰無堅敵孤忠有寇讐詩邊問公子慷慨按吳鉤

晤王蘭汀次韻

別後相思問楚雲鴻魚渺渺信難聞湖天沙草餘千劫
海國兵鋒震五軍亂世重逢真似夢宦途將養不如君
南方肯負桄榔粉十載清貧祗舊羣

寄懷鄭雲房司馬

鄂陽尙憶傷情別患難相知祗有君千里離思照華髮
十年殘夢轉秋雲莫令交許雷陳重誰信金從管鮑分
月夕風晨公事畢劇邊高詠儻難聞

七月七日李子虎招同文樹臣馮少蘅羅秋浦小

四照堂詩集

卷十五

粵中

七

集柳堂飲酒次韻

十年身事累壺觴秋柳簫簫感夕陽短戰老將輸鐵騎

亂愁生肯讓珠懷

子虎女子如玉有要洗人間萬古愁句

神仙合洗三升

淚是日忽大雨

別緒爭迴九曲腸一度拈髭一回白歲華何

處問堂堂

寄懷陳俊臣廉訪二首

故國猶多難軍儲日以空籌饑無定策匡世有深衷營

道荒民事邊陲重武功劇憐鏖戰地熱血洗刀紅

舊領偏師去東征十載餘江關銷馬鐵秋色老戎車義

膽堪酬世奇功屢載書函中問荒服窮盜儻愁余

晤喻少白

千里分飛何定所不圖戢羽在蠻天窮邊鬢雪明秋影
海國狼烽散莽烟畏道記追江左夢閒遊知賸嶺南緣
樽前無限關心事十載人琴一愴然

謂艾至堂張南山黃香石諸先生下

蘇爻山見示所作詩屬題兼以送別

海雨息驚濤寥天古月高詩清照靈穎秋瘦入雲璈客
路窮無補遊情老更豪榕城計歸日羽鏘正刁騷

王靜山都轉見示揚州李晴峰詩冊奉題

金氣鬱蠻邱奇懷負虎頭不圖新樂府將見古真州老
四照堂詩集卷十五

粵中

天

激憂時泪窮酬拔世愁江關懷庾信悽絕五羊秋

王蘭汀見示所刊尊甫西躔先生

夢庚

冰壺山館

遺集奉題

玉壘劃西青詩光古蜀靈千秋著奇膽萬里燭南溟勳
業史乘在循良 皇祖聽杜陵謠哭地無復問趨庭

鷺鳩

鷺鳩性自負劇鳴山光悅匪恣唇舌利故取餘音譎此
生寡所和百轉自成拙戢翼心逾清乖道勢將蹶見眷
鴻鵠餘悠然毛羽潔

嶺南唱和詩題詞爲方子箴都轉作

天風琅琅海濤歇，氣會沈酣聲影絕。箏琶雜遝定何事，
太始靈奇儻能發。諸君嗣響如洪鐘，大地一震雷門雄。
閒世何緣慶偶逢，此情自合關蒼穹。况復登場伏強弩，
聯標欲縛詩中虎。飛敵聽降五字城，迴風響奪參搥鼓。
我擬白戰連神廕，後先跡散古南韶。旗亭勝事慳良會，
知音僅接方干在。坐失江方二老奇，謂客方子聽邊聲空發
廣城噫。憂時客路餘葶粥，憤世窮荒激楚辭。中原插脚
將無地，盤馬彎弓莽戎騎。千里饑驅阻杜陵，五方活世
思毛義。寸鏑喘風未足驚，岡州小醜徒縱橫。狼烽七月
尙流火，虎將六韜空策兵。盛世元音愜元宰，吳天適奏
四照堂詩集卷十五 粵中 无

將軍凱

謂會沉浦中丞復金陵

詩邊願續江南樂，一夜吟喉徹清

海

次韻文樹臣鄧蔭泉李子虎黎烟篷諸人遊光孝
寺之作四首

法海茫無岸，遺風懷道林。辟支殘劫冷，花雨佛壇深。古
寺悲陳跡，禪天息妄心。徘徊訶樹下，日夕此攀尋。
漢鐵明金塔，興衰似夢閒。兩枝無恙在，千古自幽閒。逸
趣知誰領，遊情許客攀。就中論霸業，莽莽劫塵還。
自種菩提樹，炎方敞法宗。靈旛迴佛諦，僧磬落秋容。地
靜禪逾寂，萍漂道合蹤。塵情應破淨，花外一聲鐘。

昨踏曹溪月南尋第六枝如何視髮地大道渺扶持韻
事餘三乘塵休得四宜諸君亦良會慷慨繫人思

晤陳雲史孝廉

十一載如夢天南此又逢故交今已少高誼老猶濃倘
踏西樵月來尋古寺鐘相將對樽酒慷慨話離蹤

紀事

梅州何多豺誓制羣虎溺殺之負毒遶智算適所得並
世爲忌讐趨向不一域中和自可經歡怨異貞則君子
忝參佐慷慨和嘉德靡懷肝膽奇至性不可覓乖人固
無繫感動實爲激衆寡與志殊強弱詎匹敵君看虎之
四照堂詩集卷十五
粵中
三
窘所噬脫旦夕

贈郭志城太守

饑愚別世囂兀坐氣益固駕言發南中夙約在征路出
門交有功真誼適所遇懿茲深澤通撫懷極進慕貴賤
忘乖離次第不卻步滄澗魚龍徒寸意見貞度興文動
心曲脫手予舒訴睇聽曷有足取羣溷駝鷺洞志入萬
卷晰義奪書庫靜致肅華月深燈息緹幕道我奔走中
萬竅塞沈痼改服輕關山貂冠照郎署毋爲殆辱遺老
積桑榆暮攪衣起善聽悠然發神悟紛紛利名場願釋
髮鬚怒三嘆迴高情寒潮襲靈素

展重陽日偕同人小集柳堂飲酒李子虎屬題珠
海老漁唱霞遺像

嶺南社冷蓮花白花裏人琴弔詞客繪作烟波古釣篷

圖爲鄭紀常所作

富春清影追奇特李侯作達招朋儕羣仙雅

集文章伯漫把茱萸就展辰藉壽遺容表靈魄

是日爲南山師

生十年重補珠江夢千古新增畫圖冊高唱誰登杜老
壇閒遊且着阮孚屐勝地亭臺著柳堂炎方金粉空精
宅水石粼粼送晚涼松杉莽莽飛脩碧折取花枝當酒
籌狂賭吟朋笑爭席樂事輸君膽氣豪奇才並世人誰
惜元亭門下雨荼芭年光苒荏成虛擲八極窮狼散莽
四照堂詩集 卷十五 粵中 三

鋒五湖毒燄漫蕃船撫事空懷濟世權海濤驚碎霓裳

拍手招涼月下菰蒲坐對秋花感今昔根觸天邊五色

霞晚風吹墮山陽笛

李子虎屬題柳堂脩禊圖次韻

青眼曾經閱戰來柳陰深處一堂開百蠻兵燹餘殘劫
千古琴樽屬俊才作達有情追往事掃愁無地着新醅
那堪故國妖塵在惆悵西風古越臺

寄題梁福草比部十二石山齋二首

十年記踏禪山月籬落秋花敞洞門作底重來慳短夢
晚風惻悵薛蘿村

慷慨名園裁賦地石應無語問龍鍾南方我嘆年衰早
輪與玲瓏十二峯

題畫贈華樵雲太守二首

亂山如髻湧蠻天雨後秋容散莽烟儻憶寶安清靜地
水光雲影定纏綿

故山秋色照雲黃白日翻風老豫樟自古奇才能用世
底從砍劍問王郎

遊光孝寺次韻

古寺落訶陰空山覓道林秋雲流影斷海氣伏壇深夢
冷重遊地花明退老心巍巍兩枝塔猶目試攀尋

四照堂詩集

卷十五

粵中

三

題畫別王蘭汀

四山落木卷斜曛祖道悲筵不可聞一度相逢一回別
劇纏綿處問秋雲

夢幻圖爲鄭紀常作

亘古浮榮成夢幻輪君合眼悟空花披圖欲問人間世
看到子孫能幾家

展重陽日偕同人小集柳堂兼題南山先生唱霞

遺圖次韻文樹臣

烟濤奔潮撼斷坡海天如夢此經過凶烽莽莽驚塵淨
老柳淒淒倚座多樂事坐飛桑落酒邊聲聽激大風歌

時梅州
未靖 重陽倘負今番展畫意詩情兩奈何

又次韻李子虎

客路悲秋淚眼紅天邊霞唱感詩翁琴樽去住隨緣
人事興衰似夢中我輩及情留影在歡場何地拔塵空
柳堂此日聯今雨可有相思着異同

鄧蔭泉招同林午峯文樹臣陳蘭甫王蘭汀文詠
軒杏林莊賞菊卽席贈蔭泉

花前置酒留真賞香影吹衣蕩風上淵明退世秋懷孤
白衣倘恪提壺無海風橫來石氣勁古幹兀立松雲疎
老人拔坐見晚節意計所蓄成茲圖

四照堂詩集 卷十五 粵中 十四

過馮少蘅小飲兼以留別次韻

戎馬無餘地乾坤有醉鄉南方悲樂國雅聚補清狂夜
色秋潮冷邊庭海氣荒十年重訪舊離緒一蒼茫

海珠送別羅六笙

珠光如電劃平皋覲眼思環促大刀良會已拌新縱酒
謂九日讌集
羅子銘都轉離懷爭引舊同袍南韶照影狼烽靜西匯
明秋海月高此去應憐故人在孤寒徒博楚庭豪

十月十一日王蘭汀招集同人賞菊以放翁放暉
一月作重陽句分韻得一字

海國神風無定律蠻花往往乖時日十八香中覓等倫

卻捨秋英誰第一
王郎自賞不足意
用擯諸君寸心逸
花前慷慨論眞懷
陶令歸休坐相失
三嘆停杯問酒人
籬外晚風秋戚栗

偕家玉生壽康王蘭汀鄧蔭泉李子虎飲酒卽席
賦贈玉生

花底相逢恨非早
鬢鬢雪白秋容老
吟瘦誰憐飯顆山
搔愁莫覓麻姑爪
宗風濁世垂老宿
海國幽情鎮孤抱
將酒且博大同醉
無復窮途問朱鳥

寄舍弟甲山樹唐

故鄉去住眞如客
海上星雲劇所思
春似惠連空在夢

因照堂詩集

卷十五 粵中

七

弟非魯直漫云癡
九親舊世舒行部
七葉新源負本支

時續修譜牒

湘浦神峯託迴雁
尺書珍重友昆知

十五日招同郭志城羅子銘小飲珠江舟中志城
屬作珠海讌遊圖奉題七古

十載中原無靜土
酒國飛騰興多阻
南方凶祲掃狼烽
海上清遊用堪補
拏船偷踏蛟鼉宮
網底的的珊瑚紅
鐵花憔悴久不用
大地斗數眞才空
郭侯選士肝腸熱
坐徹天關取華月
奇光座繞海珠圓
精氣夜吹神蚌裂
窮荒射影冷輝寬
海色夜賭瑠璃寒
金碧之彩休同觀
炎州惡濁移諸番
酒酣砍劍玉郎哭
天容慘淡悲風伏

集

客路牽情弔影殘，髣髴華髮已換鬢。
年緣乾坤一氣無，頓錯雜豈可殊靈頑。
人間偃蹇星纏命，眼底去住天隨故人命。
儔匪無意海天藉，鼓窮途氣遙夜開圖試廣。
打帆逕奪靈鼈醉。

訪王石華

小橋流水自成村，偶踏秋雲歛洞門。
萬古青山懷謝眺，十年老柳夢桓溫。
瘦桐爨罷誰知己，白社歌殘祇斷魂。
酒畔且商經國計，莫將身世誤田園。

遊粵秀山小飲學海堂弔阮文達公同家玉生劉
松堂文樹臣樊昆吾陳雲史李子虎作

